



25249

kat.komp.


Mag. St. Dr.

P

(*Imogulesteria matthiae* Cajal, Bridgort): Muncius a Carolo Chotkiewiczis - partae victoricae v. Calend. Sept. 1605.

21. 7. 3313

Biblioteka Jagiellońska



stdr0002965

Decorative border with text: S, P, &, L, gn, n, In, 6, 4

N V N C I V S,

AVSPICIIS SER^{mi} ET POTEN^{mi}

SIGISMVNDI III
POLONIAE ET SVECIAE RE-
gis, Magni Lithuaniae Ducis &c.

&c. A CAROLO CHOTKIEVICIO, Praeside
Liunionae, & Praefecto Samogitiae, atq; Supremo Ma-
gni Duc: Lith: Generali, cum Carolo Duce Suder-
maniae S. R. M. Perduelli, immisi praelij, par-
teq; Victoriae V. Calend: Septemb:

Anno Dñi M. DC. V.

n.

im



*Per G. Massiam Smoguleckij, Captum Bid
goffien edito.*

CRACOVIAE,

In Officina Nicolai Scharffenbergeri, Anno Dñi,

1605.



25219

ti
pe
ti
fu
Ac
al
mi
re
tu
pe
ru
bu
qu
fe
in
ve



*Per Malthiam Sargolechj . . . Capit. Gudgorthu. Cit
Sigmund. dñi. Svecæ Regi. Dño. suo. Clementiss. Porrecto*



LASSE CAROLI AD DINAMUNTUM

à Mansfeldio, qui in ea curabat, adacta militèq; exposito, Chotkieuicius Præses Liuonię, qui per id tēpus ad Derpatum cum exercitu agebat, selectis duobus millibus & quadringentis equitibus, peditibus mille, quam expeditissimo agmine, relictis in castris impedimentis, iter Dinamuntum versus intendit, nulla mora obsessis suppetias laturus. Aduenienti Volmariã certissimis Nunciis perferitur alterum Caroli Ducem Linderfonium, cum quinque millibus Reualia profectum ad Mansfeldium tendere, vires coniūcturum. Itaque qui prius Dinamuntum cogitabat, proximè Felinum flectit iter, compendio viarum & celeritate Linderfonio præuersurus, & carptim potiùs cum singulis, quàm cum omnibus in vnum collatis viribus, manus conferturus, si quis casus opportunitatem rei benè gerēde attulisset. Nec omninò frustra fuit. Nam cum medio ferè inter Felinum & Parnauiam spacio, in conspectum venissent. instruxère ytrinq; acies, leuèque certami-

ne, ad experimētum virium propè ducentos Linder-
fonius desiderauit. Quo animaduerso territus, præ-
lio noluit decernere, metatisq; ad vicum Fikelmoy-
za castris, loci se ingenio tuebatur. Inter hæc Caro-
lum ipsum, nulla priùs fama aduenturi percepta, &
vnà Ducem Luneburgensem armatorúmq; cum iis
non paruum numerum Parnauia appulisse certior fit
Chotkieuicius, qui cum sæpiùs adequitando castris,
atque laceffando, nulla ratione posset Linderfoni-
um ad æquam prælii conditionem elicere, Felinum
rediit. Ibi firmo imposito præsidio, Rigam propiùs
admouendi exercitus, consilia agitabat, vt ex propin-
quo magis ciuitatis animos confirmaret, & tempus
duceret, quoad è Lituania auxilia conuenirent, nisi
cogeret extrema necessitas, nequaquam extremi pe-
riculi temerè aleam iacturus. Carolus coniunctis
cum Linderfonio copiis, littus maris legens in præ-
dio rustico Saltzmoyza dicto substiterat, capto ido-
neo castris loco. Cognitáq; ab exploratoribus, tum
& ex captiuis Regii exercitus paucitate, ad perfe-
quendum & oppugnandum erigebatur, impleto ve-
hementer ea fiducia animo. Quod cum intellectum
esset, ne hostis pedite validus, iniquis & impedi-
tis locis, equitatum occuparet, traiecit Gavia Chot-
kieuicius, nec ita procul Vendã, patentibus campis
castra fossa iacta, & opere egregio cõmunit, morus

hostium

hostium obseruaturus, vt aut inuaderet, si fortè sequi
vellent in traiectu fluminis impedites, aut prout res
tulissèt, quidpiam aliud ab ingenio mutuaturus, quo
numero multis partibus inferior, arte vires subleua-
ret. Verum enimuerò Carolus cōmutata tota con-
siliij ratione, motis à Saltzmoyza castris Rigam ver-
sus rapit exercitum, eo animo, vt quàm primùm se
Mansfeldio cōiunxisset, auerso itinere, Regiis nihil
moratus totis viribus occurreret. Promouet quoq;
suos Chotkieuicius rectâ ad Dunam flumen præter
Iskielium aliquot supra Rigam milliaribus, atque in
ipsa fluminis ripa consistit. Contractis Caro'us co-
piis quatuordecem millia explebat, maxima pars pe-
regriini militis, quos studio quorundam solito, plu-
res exciuerat, cum primis verò demortui Hoduni
Magni Moschouieꝝ Ducis opibus adiutus, infesti Po-
lonis, ob susceptum in fidem & patrocinium Deme-
trium, qui nunc rerû in Moschouia potitur. Quare
nil vltra cunctandû ratus, V. Calend: Septeb: prima
luce aduersa ad Kircholmû castra opponit, acies in-
struit, infensis opportunis pediti collibus, interce-
dente latè patētis campi planicie, haud paruo ab Re-
giis interuallo, qui ocius quoque viso hoste, aciem
secundum flumen explicuere. Cōmodùm in procin-
ctu erant, directis vtrinque aciebus cum Fridericus
Dux Curlandiæ, trans Dunam comparet, trecentis e-

quitibus ex nobilitate Curlandica comitatus, fidem
studiumq; suum Regiæ Maiestati, atq; Reipub: tam
necessario tempore probaturus; cumq; spem nullam
vadi magnitudo fluminis faceret, obfirmatis ad om-
ne periculum animis, dum nando transitum parant,
adactis in flumen equis in vadum casu illati (res pro-
pè in miraculum versa) nulla eius ante etiam à peri-
tissimis locorum habita notitia traiecere incolumes
nemine desiderato. Interea multis vtrinq; extra or-
dinem procurrentibus velitando certabatur, alter-
nante quidem casus fortuna, plerumq; tamen magis
prosperi Regionum successus futuri certaminis omē
erant. Ad meridiem iam vergente die Chotkieuici-
us multis de causis, quas operæ præcium non est cō-
memorare, non minus in mora, quam in pugna peri-
culi reputans, necessario vniuersæ dimicationis di-
scrimen aditurus, vt consternationis simulatione in-
escata audacia hostem superioribus, & cliuosis locis
detraheret, magno derepente tumultu velites spe-
cie fugientium retrahi imperat, admonitis prius suis
studio id fieri, ne quid ignaris res inopina terroris
obiiceret. Nec secus quam fore coniecerat, accidit;
trepidationis id non artis ratus Carolus instat vt ar-
bitratur percussis, & procul ab eo, quem primum
ceperat loco in plana instructo exercitu descendit,
vndecim to. mentis aciem præcedentibus. Proximè
phalanx

phalanx sequebatur, contis ferro rigentibus horrida, fistulatoribus qui fistulas maiores siue sclopetos exercent, Musketos vulgo vocant, circumfusis. Equitatus in cornibus: In sinistro maxima pars, quæ hostis à tergo circumueniendi, conferta pugna, mandata acceperat, reliquum in dextro, & subsidiis locat. Contra à Chotkieuicio triplici agmine directæ acies, minutis sed crebris, & opportunis subsidiis, pro ea quam habebat copia. Turmam suam prætorianam, equites hastatos trecentos, notæ & spectatæ pleròsque fortitudinis viros à viro lectos dices, in fronte constituit, Ducis Friderici auxiliariis Curlandis adiunctis sperans, vt se principia dedissent erectis suorum, imminutis hostium animis, ita & extrema cessura. Dextrum cornu Ioanni Sapiehe attribuit diligenter admonito, vt ex aduerso, ab leuo cornu conatus, equitatus hostilis etiam atque etiam obseruaret. Sinistro, Thomas Dambrovva præerat. Ventus à mari obliquus perflabat, vtrisq; haud magnopere incòmodus. Sub hæc vultu ipso iã dudum pleno Martij vigoris alacritate, bona spe impletis, studioq; pugnae accèsis militibus, verbis etiam cohortatur, vt se numero quidem inferiores, sed causa longè superiores reputarent, iam iã summū ac præpotentem iudicem, secundū æquitatem decreturum, agerent modò, & asferent contra perduellem Regis sui cau-

fam vindices Diuinæ iustitiæ electi, & cum de laude
& gloria cogitarent, interclusi vndique & armis & a-
quis, in numinis ope & dextris, vnicam quoq; spem
expediendę salutis meminissent. Tormenta posthæc
exonerari iubet. Tum ab vniuersis consono, ac con-
gruenti clamore sacrosancto nomine I E S V sæpius
iterato in vicem cælestis amuleti, primùm prætoria-
nę turmæ equites, pro Præfecto Vincentio Woyna
regente, submissis subsidio Curlandis, equis concitatis-
simis, magno impetu in phalangem incurrerunt.
Repugnanti ac renitenti ingenti conatu, obstinataq;
in vestigiò mori, ordo tamè nō diu cōstitit. Dambro
vva cum turmalibus suis, cū paululū auersus pro-
curisset, increbrescentis auræ opportunitate vlurus
reflexis repente equis, ab latere aperto, impulso de-
xtro Caroli cornu, vt semel impetum ceperat, quā
latè petebant perrupit agmina hostium, dans cædes
& stragem. Permissa prælia erant, cælumq; nubilum,
fragor tormentorum ac lituorum concursatio, incer-
ta omnia faciebāt, cum eques, ab leuo cornu Caroli
ex cōstituto ad circumueniendos Regios, coortus,
intento in eam curam impigrèq; occurrente Sapiaha
loco motus, pulsusq; ingentem omnibus terrorem
intulit. . Quatuor propè horis hinc virtute, isthinc
multitudine prægrauante, ambiguo Marte certatum
nequicquam pluries redintegratis Ordinibus incli-
nare

nare paulatim hostilis acies, ad extremū, non pugna, sed trucidatio secuta. Cæsa ferme nouem millia, præter fluminibus haustos aut in fuga ab agrestibus trucidatos. Interfecti Dux Fridericus Brusuicen: & Lunenburgēsis, atq; Andreas Linderfonius penes quem summa Imperii militaris erat. De Mansffeldio, è sociis classiariis transfuga, ad Gauam multò sanguine fædatum vidisse, verò an falsò referebat. Castra capta, tormenta vndecem, signa militaria ad sexaginta, captiui propè quingenti. Ipse Carolus inter tumultum faucius effugit. Ex victoribus centum desiderati, vulneratorum, maior numerus. In his Theodorus Lacki multa militaris fortitudinis decora numerans, fortunis, & spiritu ipso libenter patriæ semper impenso, benè merendi de ea, quàm viuendi auidior. Equi plurimi glandibus ferreis traiecti, aut contis suffossi.

Nuncio victoriæ Cracouiam Idibus Octob: allato, magna q; omnium læticia excepto, redditæ Deo præpotenti gratiæ, & pro ea, qua est pietate à Regia M^{te} adorata sacratæ Religionis Diui Stanislai caluaria, cuius tutela & patrociniò Polonia continetur; cum videlicet ipso Translationi eius dicato die, victoria parta, ipsi etiam merito, secundum Deum accepta, referatur.

SOLI DEO GLORIA.

x

Eiusdem G[ra]vis D[omi]ni Matthei Langenbachii Capitanei Regipensis
Faler et Urs et Hans Jrah: Inogulchij et Inogulchij et
Golancja et Curig filij duo Joannes et Mattheus et Academia
Craucaria et in Collegio Lubranicensi studij continuabant

BIBLIOTH. VIUV.



JAGELLONENSIS

Soll Das Gloria

[Handwritten signature or scribble]

